



MAJLIS PERASMIAN MID KG. SHAFIE PELANGAI BENTONG, PAHANG DARUL MAKMUR TAHUN 2008

TEKS UCAPAN

DATO' ALI NORDIN BIN WAHIDUDDIN
TIMBALAN KETUA PENGARAH PEMBANGUNAN RISDA

PERKARANGAN MEDAN INFO DESA (MID),
KG.SHAPIE PELANGAI, BENTONG, PAHANG
7 MAC 2008

Yang Berusaha Saudara Pengerusi Majlis

Yang Amat Berhormat Dato' Sri Hj.Adnan bin Hj.Ya'akob
Menteri Besar Negeri Pahang

Yang Berhormat Exco-Exco Negeri Pahang

Yang dihormati Tuan Hj. Mujahid bin Mohamad
Pengaroh RISDA Negeri Pahang

Ketua-Ketua Jabatan Dan Agensi

dan seterusnya tuan-tuan dan puan-puan yang dikasihi sekalian.

Assalamualaikum Warahmatullahi Wabarakatuh

1.0 PENGHARGAAN

Marilah kita sama-sama bersyukur kepada Allah S.W.T. kerana dengan limpah kurnia dan inayahNya, dapat kita hadir bersama-sama dalam Majlis Perasmian Medan Info Desa (MID) Kampong Shafie Pelangai pada hari ini. Bagi pihak RISDA, saya ingin mengucapkan jutaan terima kasih kepada Yang Amat Berhormat Dato' Sri Hj. Adnan bin Hj. Ya'akob, Menteri Besar Negeri Pahang kita yang kita kasihi, kerana sudi

3

melapangkan masa untuk merasmikan Medan Info Desa Kg. Shafie pada hari ini walaupun kita tahu beliau amat sibuk pada masa ini. Dalam jadual tugas yang begitu padat dan ketat, YAB Dato' Sri masih tetap memberi ruang masa untuk hadir bersama kita bagi memberi amanat dan menyuntik semangat kepada semua. Kita semua berasa bertuah mempunyai pemimpin yang begitu perihatin dan mengambil berat tentang masyarakat luar Bandar. YAB Dato' Sri merupakan seorang Menteri Besar yang berjiwa rakyat dan betul-betul memperjuangkan untuk pembangunan luar Bandar. Sesungguhnya kehadiran YAB Dato' Sri memberi semangat

4

dan dapat merangsangkan usaha RISDA untuk membangunkan masyarakat Pekebun Kecil. Ucapan ribuan terima kasih juga kepada para jemputan atas sokongan dan keperihatinan Dato'-Dato' untuk turut serta dalam Majlis ini. Saya juga mengambil peluang ini untuk mengalu-alukan kehadiran pekebun kecil, satu kehadiran yang melambangkan semangat kekitaan dalam keinginan untuk melihat Negara kita berjaya.

1. PERANAN RISDA DALAM ICT

Perkembangan teknologi maklumat dan komunikasi (ICT) bergerak dengan begitu pantas sekali. Secara sedar atau tidak, tempiasnya turut dirasai oleh semua lapisan masyarakat tanpa sempadan dan melangkaui batas geografi, budaya dan juga penduduk. Atas kesedaran inilah, pada tahun 2006, RISDA melalui Kementerian Kemajuan Luar Bandar dan Wilayah turut serta dalam arus perkembangan tersebut dengan menubuhkan Medan Info Desa khusus untuk masyarakat pekebun kecil di luar bandar. Setakat ini sejumlah 11 buah MID di bawah RISDA telah ditubuhkan. Di Negeri Pahang, selain daripada MID Kg. Shafie ini,

ada satu lagi MID di Kg. Pamah Kulat. Penubuhan MID ini bertujuan untuk memperkasakan masyarakat pekebun kecil dengan pengetahuan ICT serta merapatkan jurang digital antara bandar dan luar bandar. Ia dilaksanakan dengan tujuan untuk memberi pendedahan dan meningkatkan pengetahuan tentang ICT kepada pekebun kecil melalui latihan formal dan informal di dalam aspek aplikasi komputer dan internet. Bagi meningkatkan usaha penggunaan ICT, semua MID dilengkapi dengan peralatan komputer dan sistem internet secara atas talian. Selain itu, kursus membaik pulih komputer dan multimedia disediakan kepada generasi kedua. Seterusnya, mereka di bimbing untuk menceburi

dalam bidang keusahawanan ICT yang tentunya membantu menambah sumber pendapatan dan meningkatkan taraf sosio-ekonomi pekebun kecil. Secara tidak langsung, matlamat RISDA supaya masyarakat pekebun kecil menikmati kehidupan lebih sejahtera dapat di capai dan memperoleh pendapatan sekurang-kurangnya RM 2,000.00 sebulan sekeluarga sepertimana yang disasarkan oleh RISDA.

2. USAHA RISDA DALAM ICT UNTUK PENAMBAHBAIKAN SISTEM PENYAMPAIAN KEPADA PEKEBUN KECIL

Sistem penyampaian kepada pekebun kecil diperkemaskan:

- i. Kelulusan permohonan untuk tanam semula dipendekkan daripada 60 hari kepada 14 hari.
 - ii. Bayaran bantuan tanam semula semasa dalam tempoh 14 hari
 - iii. Bayaran bantuan Tanam Semula Berturut dalam tempoh 12 hari.
 - iv. Bekalan Benih kepada pekebun kecil dalam tempoh 15 hari – Penubuhan Tapak Semaian Transit dan Insitu
- 9
- v. Bekalan Baja dalam tempoh 14 hari – Bekalan baja just in time (JIT)
 - vi. Permohonan Tanam Semula On Line sedang Diuruskan
 - vii. Membangun sistem penggunaan tanah secara berkomputer contoh kerjasama dengan MACRES untuk imej tanah(remote sensing) dan cadangan rangkaian dengan sistem e-tanah.
 - viii. Membangunkan Sistem Aplikasi Pejabat RISDA Stesen
 - ix. RISDA juga sedang mengemaskini Sistem Maklumat Pekebun Kecil atau SMPK iaitu system yang menyelenggara maklumat, profil pekebun kecil secara

on line bagi memudahkan perancangan, pemantauan dan penilaian.

3. MID KG. SHAPIE PELANGAI

MID Kg. Shapie Pelangai ini telah ditubuhkan dan mula beroperasi pada tahun 2006. MID ini di tadbir oleh Lembaga Pengurusan dan di urus oleh Jawatankuasa Pengurusan. Dari tahun 2006 sehingga Februari 2008, seramai 4,557 orang telah mengguna perkhidmatan ICT di MID ini. Sejumlah 621 Kursus anjuran RISDA, INFRA dan KKLW telah dilaksanakan. Selain daripada itu, MID Kg. Shafie ini juga telah membantu memperkembangkan Projek Homestay

11

serta menerima pelawat dan juga terlibat dalam jualan produk IKS dan perkhidmatan percetakan.

4. HARAPAN MASA DEPAN

Bagi memastikan ICT terus berkembang di kalangan pekebun kecil, RISDA akan terus berusaha untuk menambahkan bilangan MID yang ada untuk memberi faedah kepada lebih ramai pekebun kecil di seluruh negara dan MID-MID yang sedia ada ini akan dinaiktarafkan menjadi Pusat ICT yang lebih mantap dengan tujuan untuk melahirkan masyarakat pekebun kecil yang mahir menggunakan komputer dan teknologi bagi memasarkan

12

produk mereka di samping mampu mengakses maklumat dan berfikiran terbuka bagi melahirkan modal insan kelas pertama sebagaimana yang dihasratkan oleh negara kita.

5. PENUTUP

Kita sebagai rakyat yang dilahirkan di bumi Malaysia yang aman dan berpotensi ini seharusnya bersyukur atas segala nikmat keamanan dan kestabilan politik yang sedang kita kecapai ketika ini. Adalah menjadi harapan RISDA supaya pekebun kecil terus merebut peluang-peluang yang disalurkan oleh Kerajaan dan memberi komitmen untuk menjayakan apa-

13

apa aktiviti yang dilaksanakan oleh kerajaan. RISDA hanya boleh merancang dan membantu tetapi pekebun kecil sendiri mestilah menetapkan matlamat hidup mereka dan berusaha untuk mencapainya manakala yang lain diserahkan kepada ALLAH S.W.T.

Saya tidak berniat untuk berucap panjang kerana sebentar lagi YAB Dato' Sri akan menyampaikan ucapan yang penting untuk kita hayati. Sekali lagi saya mengucapkan ribuan terima kasih kepada YAB Dato' Sri di atas kesudian untuk menghadiri serta merasmikan Majlis RISDA pada hari ini.

14

Juga terima kasih kami kepada para jemputan dan pekebun kecil yang hadir. Akhir kata, saya mengucapkan terima kasih kepada Pengarah RISDA Negeri Pahang serta stafnya atas kesungguhan menjayakan majlis ini. Saya berdoa semoga Majlis kita pada hari ini membuahakan hasil seperti yang diharapkan.

Nyiur Gading puncak mahligai
Negeri Pahang Negeri cemerlang
Bantuan Kerajaan tidak ternilai
Di luar bandar minda di julang

15

Penduduk luar bandar amat beruntung
Kemajuan seimbang akan berlangsung
Harapan mereka tinggi menggunung
Kerajaan BN tetap di sanjung
(Kepada pemimpin mereka bergantung)

Sekian. Wabillahi taufik walhidayah. Wsb.

16